

Kommune Qeqertalimmi Aqutsinermut ileqqoreqqusaq

Kommunit aqunneqarnerat pillugu Inatsisartut Inatsisaat nr. 29, 17. novembari 2017-imeersumi § 1, imm. 3 naapertorlugu aalajangersarneqarpoq:

Kommunalbestyrelsi

§ 1. Kommunalbestyrelse 15-inik ilaasortaqqarpoq.

Imm. 2. Kommunalbestyrelse inatsisartut peqqussutaanni nr. 22, 18. novembari 2010-meersumi § 6, imm. 4 naapertorlugu (tulliuttuni aqutsinermut inatsimmik taaneqartartussa) ilaasortami akornanni borgmesterimik, tullissaanik siullermik aappaanillu toqqaassaaq.

§ 2. Piareersarnermut, ataatsimiigiaqqusinermit kommunalbestyrelsillu ataatsimiisinnerqarnerinut malittarisassat kommunalbestyrelsip suleriaasiani aamma aalajangersarneqarput, taamaaliortoqartarporlu aqutsinermut inatsimmi § 1 imm. 3 naapertorlugu.

§ 3. Kommunalbestyrelsip ataatsimiittarneranut atatillugu borgmesterip suliassanut malittarisassat erseqqinnerusut, suleriaatsimi aalajangersarneqarput.

Ataatsimiititanik pilersitsineq aamma ataatsimiititat taakkua suliassaannik nalinginnaasumik maleruagassat il.il.

§ 4. Aqutsinermut inatsimmi § 24 naapertorlugu aningaasaqarnermut ataatsimiititaliaq, taaneqartoq Inua, pilersinneqassaaq.

Imm. 2. Ataatsimiititaliaq Inua-mi ilaasortaapput borgmesteri, aamma ataatsimiitaliami siulittaasuusoq kiisalu kommunalbestyrelsimi ilaasortat arfinillit.

Imm. 3. Ataatsimiititap suliassat aqutsineq pillugu inatsimmi § 25 naapertorlugit tassunga suliassarititaasut ingerlanneqarnissaat isumagissavai. Aammattaaq Ataatsimiititaliap Inuap makku suliassarivai:

- Akileraarutit akitsuutillu
- Inuit naalakkersorneqarnerat aamma tamat oqartussaaqataanerat
- Sullissivik/ Borgerservice
- Aningaasarsiaqarnermut sulisoqarnermullu tunngasut
- Nunaqarfinnik isumaqatigiissuteqarluni aqutsineq
- Illuutinik najugaqarfiusunik imaluunniit isatigassanik pisortorneq, tuniniaaneq aamma qularnaveeqqusiineq, kiisalu illuutinik attartorneq
- Kommunip sillimmateqarnikkut inissisimanera
- Pisinniarnermi aamma isumaqatigiissuteqarnermi politikki, ataqatigiissarineq taakkulu aaqqissuussaaneri ilanngullugit
- Kommunip allagaatinut toqqorsivia
- Kommunip suliffeqarfiutaanik piginnittutut soqutigisaqarneq
- Qarasaasiaqarneq

Imm. 4. Ataatsimiititaliaq Inua kommunalbestyrelsimut siunnersuusiortarpoq aamma inassuteqaasiortarpoq ukununnga attuumassuteqartunik:

- Missingersuutissatut siunnersuutit aamma kommunip naatsorsuutaanik saqqummiinerit
- Karsimut naatsorsuutitut malittarisassat
- Ataatsimiititaliat ataavartut suleqatigalugit kukkunersiuisut nalunaarutaasa akissuteqaatissaanik kommunalbestyrelsimut siunnersuusiorterit

Imm. 5. Suliaq sunaluunniit, kommunip aningaasaqarneranut, allaffissorneranut pilersarusiorneranulluunniit attuumassuteqartoq aamma ataqatigiissaarinnermut attuumassuteqartoq kommunalbestyrelsimut saqqummiunneqartigani ataatsimiititaliamut Inua-nut saqqummiunneqaaqqaartussaavoq.

Imm. 6. Ataatsimiititaliaq Inua kommunip pilersarusiornerani aamma aningaasaqarneq pillugu suliaassanik ataqatigiissaarissaaq ataatsimoortumillu aaqqiissummik nassaassalluni.

Imm. 7. Ataatsimiititaliaq Inua ukununnga malittarisassiussaaq:

- Missingersuutininik aningaasaliissuteqartarnermullu nakkutiginninnerit, allaffissornermik suliallit nalunaarusiortarneri ilanngullugit
- Kommunimi sulisorisat pillugit suliaassat isumagineqarnissaat
- Kommunip naleqartitaanik qulakkeerinninneq
- Inunnut paasissutissat

Ataatsimiititaliat ataavartut

§ 5. Ataatsimiititaliat ataavartut makkua pilersinneqassapput:

1. Ataatsimiititaliaq Inoqarfik, tallimanik ilaasortalik.
2. Ataatsimiititaliaq Timi Tarni, tallimanik ilaasortalik.
3. Ataatsimiititaliaq Inuit, tallimanik ilaasortalik.

Imm. 2. Aqutsinnermut inatsimmi § 27 naapertorlugu ataatsimiititaliat namminneq siulittaasussartik toqqassavaat.

Imm. 3. Ataatsimiititaliat nammineerlutik suleriaasissatik aalajangersassavaat.

Ataatsimiititaliaq suleriaasissaqanngippat, Kommunalborgstyrelsi suleriaasissaa atorneqassaaq.

Imm. 4. Ataatsimiititaliap ataatsimiinnerini tamani aalajangiineq pillugu imaqarniliortoqartassaaq imaqarniliarlu ataatsimiinnerup naanerani ilaasortanit, ataatsimiinnermi peqataasimasunit, atsiorneqartassalluni. Ilaasortat tamarmik isummaminnik aalajangiinnermit allaanerusumik imaqarniliamut ilanngussisinnaatitaapput, sulianilu ataatsimiititamit oqartussaasunut allanut nassiunneqartussani imaqarniliap imaanik ilisimatitsisoqarnissaa piumasarisinnaallugu.

Imm. 5. Ataatsimiititaliat Kommunalborgstyrelsi ukiumoortumik missingersuutitigut akuersissutigisai naapertorlugit, suliaasaqarfittut akisussaaffigisaminni isumaginissapput.

Ataatsimiititaliat akisussaaffigisaminni akuersissutitaqanngitsumik aningaasartuuteqaraniluunniit isertitaqartoqannginnissaa nakkutigissavaat, aningaasaliissutissanillu kissaatiginartunik pisariaqartunilluunniit Ataatsimiititaliaq Inua aqqutigalugu Kommunalborgstyrelsimut inassuteqassallutik.

Imm. 6. Ataatsimiititaliamut allamut attuumassutilimmik pingaarutilimmillu suliaasaqartillugu, ataatsimiititaliap suliaassamik aallartitsinnginnermini ataatsimiititaliaq alla

suliamut attuumassuteqartoq isumaqatigiinniarfigeqqaassavaa, pisariaqartitsisoqartillugulu borgmesteri suliamut akuliutsinneqartassaaq, aqutsinermut inatsimmi § 29 naapertorlugu.

§ 6. Ataatsimiititaliap Inoqarfiup akisussaaffiit makku aquppai isumagalugillu:

- Inuussutissarsiutit aamma Aatsitassat
- Aalisarnej Piniarnerlu
- Teknikkeqarnikkut suliassaqaarfik
- Pilersaarusiornikkut suliassaqaarfik
- Pinngortitaq, Silap pissusia Avatangiisillu
- Attaveqaasersuutit
- Pilersuineq
- Upalungaarsimaneq
- Kommunip illuutai aamma illuutinin ingerlatsineq
- Inissialiornermi aningaasalersuineq inissianillu pilersuineq

Imm. 2. Ataatsimiititaliap Inoqarfiup suliassat, imm. 1 naapertorlugu ataatsimiititaliamut suliassanngortinneqarsimasut, aalajangiiffigisassavai.

Imm. 3 Ataatsimiititaliap Inoqarfiup Ataatsimiititaliaq Inua aqqutigalugu siunnersuusiortassaaq aamma kommunalbestyrelsimut inassuteqaasiortassaaq makku pineqartillugit:

- Ataatsimiititaliap akisussaaffiata ataani malittarisassat
- Ataatsimiititaliap akisussaaffiata ataani kommunip sullissinerinut akigitat
- Ataatsimiititaliap akisussaaffiata ataani kommunip kiffartuussineranut kommunip politikki iliuusissatullu pilersaarutai
- Periusissiorluni pilersaarummik pilersaarusiortluni suliaqarnermit Kommune Qeqertalimmi kommunimut pilersaarummut
- Kommunimut pilersaarummut tapiliussassatut siunnersuutit, Immikkoortunut pilersaarutit, sammiviliilluni pilersaarutit sanaartugassallu immikkut ittunik qinnuteqaatit, kiisalu nunaminertamik tunineqarumalluni Immikkoortumiluunniit pilersaarummi immikkut ittunik akuerineqarnissamik qinnuteqaatit
- Illuutinin eqqissimatitsineq piujuartitsinerlu, kiisalu inoqarfinni nunaminertat sanaartorfigineqaaqusaanngitsut, kiisalu nuna asimiittoq
- Immikkoortunut pilersaarutinin suliarnittarnerit
- Inissialiortiternissamut sanaartorfissagissaanermullu pilersaarutit
- Kommunimi pisuinnaat aqutaannik, aqqusinernik illoqannginnersanillu, kiisalu suliffeqarfiutaanik, atsiinerit

§ 7. Ataatsimiititaliap Timi Tarnip akisussaaffiit makku aquppai isumagalugillu:

- Sunngiffimmi sammisassaqaartitsineq
- Kultureqarnermut tunngasut
- Timersornermut tunngasut
- Katersugaasiveqarneq
- Atuakkanik atorniartarfeqarneq

- Katersortarfeqarneq
- Meeqqat pinnguarterfii
- Suliffissaqartitsineq aamma Majoriaq
- Isumaginninnermi pinaveersaartitsineq, Qaammaavik, ilaqtariit illui aamma MISI ilanngullugit
- Ulloq unnuarlu angerlarsimaffik Puilasoq

Imm. 2. Ataatsimiititaliap Timi Tarnip suliassat, imm. 1 naapertorlugu ataatsimiititaliamut suliassanngortinneqarsimasut, aalajangiiffigisassavai.

Stk. 3. Ataatsimiititaliap Timi Tarnip Ataatsimiititaliaq Inua aqutigalugu siunnersuusiortassaaq aamma kommunalbestyrelsimut inassuteqaasiortassaaq makku pineqartillugit:

- Ataatsimiititaliap akisussaaffiata ataani malittarisassat, ilaatigut kulturikkut timersornermullu peqatigiiffinnut tapiisarnermut malittarisassat aamma Najukkami ataatsimiititaliat malittarisassat
- Ataatsimiititaliap akisussaaffiata ataani kommunip kommunip sullissinerinut akigitat
- Ataatsimiititaliap akisussaaffiata ataani kommunip kiffartuussineranut kommunip politikkkii iliuusissatullu pilersaarutai

§ 8. Ataatsimiititaliap Inuit akisussaaffiit makku aquppai isumagalugillu:

- Atualerneq sioqqullugu
- Atuarfik
- Isumaginnittoqarfik
- Meeqqat
- Innarluutillit
- Atornerluisunik katsorsaaneq
- Ikiuutit
- Utoqqaat
- Angerlarsimaffimmi ikiorteqartitsineq
- Isumaginninnermi oqartussatut suliassat

Imm. 2. Ataatsimiititaliap Inuit suliassat, imm. 1 naapertorlugu ataatsimiititaliamut suliassanngortinneqarsimasut, aalajangiiffigisassavai.

Imm. 3. Ataatsimiititaliap Inuit ataatsimiititaliaq Inua aqutigalugu siunnersuusiortassaaq aamma kommunalbestyrelsimut inassuteqaasiortassaaq makku pineqartillugit:

- Ataatsimiititaliap akisussaaffiata ataani malittarisassat
- Ataatsimiititaliap akisussaaffiata ataani kommunip kommunip sullissinerinut akigitat
- Ataatsimiititaliap akisussaaffiata ataani kommunip kiffartuussineranut kommunip politikkkii iliuusissatullu pilersaarutai

Nunaqarfinni aqutsisut

§ 9. Ataatsimoorussamik nunaqarfinnik aqutsisuni ikinnerpaamik ilaasortat pingasut amerlanerpaamillu tallimat toqqarneqassapput. Nunaqarfinni aqutsisut ukunani tassaapput:

1. Iginniarfik, Attu, pingasunik ilaasortalik
 2. Ikerasaarsuk, Niaqornaarsuk, Kangerluk, tallimanik ilaasortalik
 3. Kitsissuarsuit, Akunnaaq, Ikamiut, tallimanik ilaasortalik
- Imm. 2. Nunaqarfinnik aqutsisut siulittaasussaminnik namminneq toqqaassapput, taamaaliortoqartassaarlut aqutsinermut inatsit § 51 naapertorlugu.
- Imm. 3. Kommunalbestyrelsi nunaqarfinni aqutsisut ataasiakkaat tusarniareernerisigut kommunimi nunaqarfiit aqutsisuisa suleriaasissaannik aalajangersaassaaq.

§ 10 Nunaqarfinnik aqutsisut piareersartarneri, ataatsimiigiaqqusisarneri ataatsimiittarnerilu pillugit malittarisassat, nunaqarfinnik aqutsisuni siulittaasup suliassai ilanngullugit, nunaqarfinnik aqutsisut suleriaasianni aalajangersarneqarput, aqutsinermut inatsimmi §§ 51-54 naapertorlugu.

§ 11. Aqutsinermut ileqqoreqqusami ilanngussatut ikkunneqarsimasumi kommunalbestyrelsip aalajangersagaani ersippoq, nunaqarfinni aqutsisuni ataasiakkaani aallartitassat qanoq toqqartorneqartassanersut. (Isumaqatigiissuteqarluni aqutsineq atorlugu ingerlatsineq).

Imm. 2. Ingerlatsineq pissaq Kommunalbestyrelsip missingersuusiatus akuerisaasa iluanni, aamma maleruaqqusaasut Kommunalbestyrelsimit aalajangersarneqartut malillugit.

§ 12. Kommunalbestyrelsip nunaqarfinnik aqutsisut suliaqarfinnik ingerlatsinerat nakkutigissavai.

Aqutsinermi inatsimmi allannguutit

§ 13. Malittarisassaq una atuutilissaaq ulloq 22. maaji 2025.

§ 14. Ileqqoreqqusami uani allannguutissatut siunnersuutit aamma ileqqoreqqusap ilassutissartai kommunalbestyrelsip ataatsimiinnerini marlunni, sivikinnerpaamik ullunik 14-nik akunneqarlutik ingerlanneqartuni suliarineqassapput, aqutsinermut inatsimmi § 1 imm. 2 naapertorlugu, allannguutissatullu ilassutissatullu akuerineqartut Naalakkersuisunut nassiunneqassapput, aqutsinermut inatsimmi § 1, imm. 4 naapertorlugu.

Taamaalilluni Kommunalbestyrelsip ataatsimiinnerini ulloq 22. maaji 2025 akuersissutigineqarpoq.


Simigaaq Heilmann
Borgmesteri


Nicolai Odgaard Jensen
Pisortaanerugallartoq